




ქალაქ თბილისის მთავრობა
დადგენილება № 22.09.1051



" 6 " აგვისტო 2010 წ.



„ქალაქ თბილისის მერიის საჯარო სამართლის იურიდიული პირის – ქონების მართვის სააგენტოს შექმნისა და მისი წესდების (დებულების) დამტკიცების შესახებ“ ქ. თბილისის მთავრობის 2010 წლის 30 მარტის 08.32.412 დადგენილებაში ცვლილებების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის შესაბამისად,

ქ. თბილისის მთავრობა ადგენს:

1. „ქალაქ თბილისის მერიის საჯარო სამართლის იურიდიული პირის – ქონების მართვის სააგენტოს შექმნისა და მისი წესდების (დებულების) დამტკიცების შესახებ“ ქ. თბილისის მთავრობის 2010 წლის 30 მარტის N08.32.412 დადგენილებით დამტკიცებული ქ. თბილისის მერიის საჯარო სამართლის იურიდიული პირის – ქონების მართვის სააგენტოს წესდებაში (დებულებაში) შეტანილ იქნეს შემდეგი დამატება და ცვლილებები:

ა) 1-ლი პუნქტის დაემატოს შემდეგი შინაარსის 1¹ პუნქტი:

„1¹. სააგენტოს სრული დასახელება: „ქალაქ თბილისის მერიის საჯარო სამართლის იურიდიული პირი – ქონების მართვის სააგენტო“. სააგენტო უფლებამოსილია გამოიყენოს სააგენტოს შემოკლებული დასახელება „სსიპ ქონების მართვის სააგენტო“;

ბ) მე-2 მუხლის მე-2 პუნქტი ჩამოყალიბდეს შემდეგი რედაქციით:

„2. სააგენტოს ფუნქციებია:

ა) ქ. თბილისის თვითმმართველი ერთეულის უძრავი ქონების აღრიცხვა-რეგისტრაციის უზრუნველყოფა;

ბ) ქ. თბილისის თვითმმართველი ერთეულის ქონების რეალიზაციის მიზნით, აუქციონის ორგანიზება, ჩატარება და შედეგების გაფორმება;

გ) უძრავი ქონების აზომვითი სამუშაოების შესრულების მიზნით, საქართველოს მოქმედი კანონმდებლობის შესაბამისად, უძრავი ქონების აზომვითი სამუშაოების დაკვეთა;

დ) ქ. თბილისის თვითმმართველი ერთეულისა და ქ. თბილისის თვითმმართველი ერთეულის წილობრივი მონაწილეობით დაფუძნებული ან/და მის მართვას დაქვემდებარებული იურიდიული პირების საკუთრებაში (კაპიტალში) არსებული ან საკუთრებაში მისაღები ქონების ღირებულებითი შეფასების სამუშაოების შესრულების მიზნით, საქართველოს მოქმედი კანონმდებლობის შესაბამისად, მათი ღირებულებითი შეფასების დაკვეთა;

2

ე) ქ. თბილისის თვითმმართველი ერთეულის 50%-ზე მეტი წილობრივი მონაწილეობით არსებულ საწარმოთა მართვა ამ წესდებით (დებულებით) დადგენილ ფარგლებში და წესით;

ვ) ქ. თბილისის მთავრობის მიერ დაფუძნებული საწარმოების საფინანსო-სამეურნეო საქმიანობის ანალიზი, ამ საწარმოთა ფინანსური ანგარიშების (ბალანსების, მოგება-ზარალის ანგარიშგების, ფულადი სახსრების მოძრაობის ანგარიშგების) მიღების უზრუნველყოფა, მათი საქმიანობის თაობაზე ანგარიშების მოსმენა და შეჯამებული ანგარიშის წარდგენა ქ. თბილისის მთავრობისთვის;

ზ) საფინანსო-ეკონომიკური მონიტორინგის სისტემის ფორმირება;

თ) საწარმოთა საქმიანობის შედეგად მიღებული მოგებიდან ქ. თბილისის ბიუჯეტის კუთვნილი დივიდენდების მობილიზაცია. საწარმოთა წმინდა მოგებისა და სხვა შემოსავლების განაწილების თაობაზე ნორმატივების განმსაზღვრელი დოკუმენტაციის პროექტების შედგენა, მათი ქ. თბილისის მთავრობისთვის დასამტკიცებლად წარდგენა;

ი) საწარმოთა აუდიტორული შემოწმებების ორგანიზების კონტროლი და კოორდინაცია;

კ) საწარმოთა დაფუძნების, რეორგანიზაციისა და ლიკვიდაციის საკითხების განხილვა და კოორდინაცია, ამ საკითხებთან დაკავშირებული სათანადო წინადადებებისა და დოკუმენტაციის პროექტების მომზადება; არაეფექტური და წამგებიანი საწარმოების გამოვლენა და შემდგომი რეაგირების მიზნით, სათანადო წინადადებების შემუშავება;

ლ) საწარმოებში "მეწარმეთა შესახებ" საქართველოს კანონით დამფუძნებლისათვის მინიჭებული (პარტნიორის/აქციონერის) უფლებამოსილების განხორციელება, პარტნიორთა (აქციონერთა) კრებებზე, რწმუნებული პირების მეშვეობით, საწარმოთა მართვაში მონაწილეობის მიღება;

მ) საწარმოებში ქ. თბილისის მთავრობის (როგორც პარტნიორის) წარმომადგენელთა დანიშვნის (არჩევის) შესახებ საკითხების განხილვა-კოორდინაცია და სათანადო გადაწყვეტილებების მიღება;

ნ) საწარმოების ბალანსზე/კაპიტალში რიცხული ქონების გირაოთი ან იპოთეკით დატვირთვის ან/და იმ ვალდებულებებთან/საქმიანობასთან დაკავშირებული საკითხების ქ. თბილისის მთავრობისთვის წარდგენა, რისთვისაც წესდებითა და მოქმედი კანონმდებლობით საჭიროა პარტნიორის თანხმობა;

ო) საწარმოების წესდებებში ცვლილებების შეტანის თაობაზე წინადადებების მომზადება ქ. თბილისის მთავრობის წინაშე საწარმოთა კაპიტალში ცვლილებასთან დაკავშირებით;

პ) ზემდგომი თანამდებობის პირის/ორგანოს დავალებით ქ. თბილისის თვითმმართველობის ქონების სარგებლობის უფლებით გადაცემასა და განკარგვასთან დაკავშირებული საკითხების წინმსწრები განხილვა, ორგანიზება და ქ. თბილისის მთავრობისთვის წარდგენა; ქ. თბილისის თვითმმართველობის ქონების, თვითმმართველი ერთეულის ორგანოებსა და თვითმმართველი ერთეულის სტრუქტურულ ერთეულებს შორის გადაცემასთან დაკავშირებული პროცედურის ორგანიზება;

ჟ) დელეგირებული უფლებამოსილების ფარგლებში, ქონების სარგებლობის უფლებით გაცემა;

რ) დაინტერესებული პირისთვის (ქ. თბილისის მთავრობის მოვალისათვის) ვალდებულების მთლიანი ან ნაწილობრივი შესრულების დადასტურება, დასადასტურებელი ვალდებულების განსაკუთრებულ შემთხვევებში თავისებურებიდან გამომდინარე სააგენტო უფლებამოსილია საკითხი განსახილველად წარუდგინოს ქალაქ თბილისის მთავრობას;

ს) დაინტერესებული პირისთვის (ქ. თბილისის მთავრობის მოვალისათვის) სახელშეკრულებო ვალდებულებების დარღვევის გამო დაკისრებული პირგასამტეხლოს გადახდის განვადება ხელშეკრულების მოქმედების ვადით განსაკუთრებულ შემთხვევებში თავისებურებიდან გამომდინარე სააგენტო უფლებამოსილია საკითხი განსახილველად წარუდგინოს ქ. თბილისის მთავრობას;

ტ) ქ. თბილისის ადგილობრივი თვითმმართველობის ორგანოების, მათი სტრუქტურული ერთეულების ან ქ. თბილისის ადგილობრივი თვითმმართველობის ორგანოების მიერ დაფუძნებული არასამეწარმეო (არაკომერციული) იურიდიული პირების საკუთრებაში არსებული (ბალანსზე რიცხული), ასევე, დედაქალაქის, ადგილობრივი თვითმმართველი ერთეულის 50%-ზე მეტი წილობრივი მონაწილეობით არსებული საწარმოების ბალანსზე რიცხული ამორტიზებული ან გამოუყენებელი ქონების ჩამოწერასთან დაკავშირებული, მოქმედი კანონმდებლობით მის კომპეტენციას მიკუთვნებული პროცედურების გატარება;

უ) მოქმედი კანონმდებლობით გათვალისწინებული სხვა უფლებამოსილებების განხორციელება.”

გ) მე-6 მუხლის მე-2 პუნქტი ჩამოყალიბდეს შემდეგი რედაქციით:

„2. სააგენტოს სტრუქტურული ქვედანაყოფებია:

- ა. პრივატიზების სამსახური;
- ბ. ეკონომიკური სამსახური;
- გ. უზრუნველყოფის სამსახური;
- დ. ადმინისტრაციული სამსახური.“

დ) მე-7 მუხლის მე-2 პუნქტი ჩამოყალიბდეს შემდეგი რედაქციით:

„2. ეკონომიკური სამსახურის უფლებამოსილებას განეკუთვნება:

ა) ქ.თბილისის თვითმმართველი ერთეულის 50%-ზე მეტი წილობრივი მონაწილეობით არსებულ საწარმოთა მართვა, ამ წესდებით (დებულებით) დადგენილ ფარგლებში;

ბ) ქ. თბილისის თვითმმართველი ერთეულის 50%-ზე მეტი წილობრივი მონაწილეობით არსებულ საწარმოთა შესახებ ინფორმაციის მომზადება, ქ. თბილისის მთავრობისთვის წარსადგენად;

გ) ქ. თბილისის თვითმმართველი ერთეულის 50%-ზე მეტი წილობრივი მონაწილეობით არსებულ საწარმოთა ხელმძღვანელი პირების დანიშვნა/გათავისუფლების, მათი სახელფასო განაკვეთების, საწარმოთა სტრუქტურების შესახებ შესაბამისი პროექტების მომზადება და ქ.თბილისის მთავრობისადმი წარდგენა;

დ) ქ. თბილისის თვითმმართველი ერთეულის 50%-ზე მეტი წილობრივი მონაწილეობით არსებულ საწარმოებში დარღვევა-ნაკლოვანებების არსებობის შემთხვევაში სათანადო ზომების განხორციელება;

ე) საწარმოთა აუდიტორული შემოწმების კოორდინაცია;

ვ) სააგენტოს მატერიალურ-ტექნიკური უზრუნველყოფა;

ზ) სააგენტოს საფინანსო-ეკონომიკური საქმიანობისა და ბუღალტრული აღრიცხვის უზრუნველყოფა;

თ) სააგენტოს საკადრო რესურსების მართვა;

ი) მის უფლებამოსილებას მიკუთვნებული კორესპონდენციების განხილვა;

კ) სამსახურის გამართული მუშაობის მიზნით, შესაბამისი წინადადებებისა და რეკომენდაციების მომზადება;

ლ) სამსახურის ყოველთვიური, კვარტალური და წლიური სტატისტიკური მონაცემების მომზადება;

მ) სააგენტოს უფროსის ცალკეული დავალებების შესრულება.“

ე) მე-7 მუხლის მე-4 პუნქტი ჩამოყალიბდეს შემდეგი რედაქციით:

“4. ადმინისტრაციული სამსახურის უფლებამოსილებას განეკუთვნება:

- ა) სააგენტოს სამართლებრივი უზრუნველყოფა;
- ბ) სასამართლოსა და ადმინისტრაციულ ორგანოებში წარმომადგენლობა;
- გ) დოკუმენტაციის სამართლებრივი შეფასება;

4
დ) ცალკეული ინდივიდუალური და ნორმატიული აქტების პროექტების მომზადება;

ე) აქტებისა და ხელშეკრულებების შესრულების ანალიტიკა;

ვ) სააგენტოს თანამშრომელთა მიერ შესრულებული სამუშაოების მოქმედ კანონმდებლობასთან შესაბამისობის კონტროლი;

ზ) სააგენტოში მოქმედი შინაგანაწესის შესაძლო დარღვევის გამოვლენა და შემდგომი რეაგირება;

თ) სხვა სამსახურებთან კოორდინაციაში დარღვევა-ნაკლოვანებებზე არსებულ ინფორმაციაზე რეაგირება;

ი) მის უფლებამოსილებას მიკუთვნებულ კორესპონდენციათა განხილვა;

კ) სამსახურის გამართული მუშაობის მიზნით, შესაბამისი წინადადებებისა და რეკომენდაციების მომზადება;

ლ) სამსახურის ყოველთვიური, კვარტალური და წლიური სტატისტიკური მონაცემების მომზადება;

მ) სააგენტოს უფროსის ცალკეული დავალებების შესრულება.“

2. დადგენილება ძალაში შედის 2010 წლის 16 აგვისტოს.

ქ. თბილისის მერი



გიორგი უგულავა